



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

LXXIV. Confirmatio quarumdam resolutionum circa Abbates Titulares  
Cassinenses.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

rator Generalis Congregationis Fratrum Discalceatorum Nationis Gallicanæ Ordinis Sanctissimæ Trinitatis Redemptionis Captivorum, Nobis nuper exponi fecit, ipse dilectum pariter filium Lucam à Sancto Joanne Ministrum Liburni in Æturia ejusdem Congregationis, & actualem Redemptorem, qui à biennio circiter Tripoli Africa, ubi Deo favente Captivorum Redemptionem quantum sibi possibile fuerat copiosam fecerat, non sine lacrymis referentem audiverit, quanto numero illic Christianifideles sub dura Barbarorum servitute, cum gemino corporis & animæ periculo detineantur, & quam gravibus ibidem ærumnis assidue consistuntur.

Preces d. Procuratoris Generalis.

§. 1. Quia vero his temporibus refrigerante multorum charitate, modica in Redemptione dictorum Captivorum subsidia conferuntur, inde horum calamitates, & pericula, in dies ingravescunt, dictus Andreas Procurator Generalis Christianifidelium pietatem ad opus adeo pium excitari plurimum desideret:

Absolutio à Censuris.

§. 2. Nos ipsius Andree Procuratoris Generalis Votis hac in re quantum cum Domino possumus benigne annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris & pœnis à Jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, Venerabilibus Fratribus Patriarchis, Archiepiscopis, Episcopis, cæterisque locorum Ordinariis Italicæ, necnon dilectis filiis Superioribus Generalibus quorumvis Ordinum, Congregationum, & Institutorum Regularium harum serie auctoritate Apostolica præcipimus, & mandamus, ut saltem duabus vicibus quolibet anno Adventus scilicet, & Quadragesimæ temporibus in suis respective Ecclesiis tam per verbi Dei Prædicatores in Sacris Concionibus, quam in aliis actibus, & functionibus publicis præfatorum Christianifidelium Captivorum miseras, & calamitates populo proponi, & commendari curent, & faciant, & eorum exhortationibus stimulentur Christianifideles ad Eleemosynas largiter conferendas, quibus præfatus Lucas, seu alii Redemptores dictæ Congregationis Gallicanæ eosdem Captivos à dura servitute hujusmodi redimere, ac illorum spirituali, corporalique salutati Domino benedicente valeant providere, salva tamen semper in præmissis auctoritate Congregationis eorundem Cardinalium.

Præceptum.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Derogat contrariis.

Fides transumptorum.

§. 4. Volumus autem, ut presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique habeatur, quæ haberetur ipsis presentibus, si forent exhibitæ, vel ostensæ.

Dat. 3. Jan. 1675. An. 5.

Datum Romæ apud S. Mariam Majorem sub Annulo Piscatoris die 3. Januarii 1675. Pontificatus nostri Anno Quinto.

I. G. Slusius,

Confirmatio quarundam Resolutionum circa Abbates Cassinenses titulares, eorumque prærogativas.

CLEMENS PAPA X.

Ad futuram rei memoriam.

EXponi nobis nuper fecerunt dilecti filii Abbas Monasterii Sancti Pauli prope, & extramœnia Urbis, ac Procurator Generalis Congregationis Cassinens. Ordinis Sancti Benedicti, quod cum nonnulli Abbates Titulares dictæ Congregationis eo honore omnibus prærogativis perinde ac si Abbatis regiminis munere functi fuissent, decorati, quasdam prærogativas, & exemptiones sibi competere prætenderent, & inter alios nuper dilectus filius Philippus Tanus, qui cum ejusmodi prærogativis Abbatum regiminis Abbas Titularis creatus reperitur, se ab obligatione personaliter se præsentandi coram Abbate locali, qui Monasterium actualiter regit, ullo modo petendi ab illo licentiam tam in egressu, quam regressu ad Monasterium, necnon ab intervenitu in Choro, & refectorio ad beneplacitum suum exemptum esse assereret, ac alias quasdam similes prætensiones haberet.

Exordium.

§. 1. Nos causam super præmissis in Congregatione Venerabil. Fratrum nostrorum S. R. E. Cardinalium negotiis, & consultationibus Episcoporum, & Regularium præposita introductam ab eadem Congregatione avocavimus, illamque particulari Congregationi nonnullorum ejusdem S. R. E. Cardinalium, & Romanæ Curie Prælatorum occasione alterius fere consimilis controversiæ, quæ in Dataria nostra Apostolica vertebat à nobis deputatæ commisimus, quæ mature, diligenterque discussis prætensionibus prædictis, opportunas desuper resolutiones edidit, prout continetur in Decreto ea super re emanato tenoris qui sequitur videlicet. Cassinens. Pater Abbas Philippus Tanus Romanus Monachus à viginti quinque circiter annis in Congregatione Cassinens. professus, postquam Lectoris, & Concionatoris munus, aliaque plura ejusdem Congregationis officia, & præsertim Prioratum Claustralem per sex annos laudabiliter exercuerit, cupiens ab omni regiminis vinculo se abdicare, ut eo ferventius, ac liberius literarios cursus prosequi posset, prædicti Prioratus Administrationem in Capitulo Generali 1673. Patavii celebrato sponte dimisit, & ab eodem Capitulo Generali in præmium præfatorum laborum decretum infra scripti tenoris à Sanctissimo Domino nostro confirmatum obtinuit.

Avocat causam super his jam introductam in Congr. Episcop. & Regular. eaque committit Congregationi particulari prout instrubrica.

P. Philippus Tanus in Capitulo Generali dimisit Prioratum Claustralem.

§. 2. Cum Prior dictus Philippus ab Urbe nostræ Congregationis Lector Theologus, examinador, & concionator, undecim annis in multis nostris conspicuis Monasteriis, & præsertim Romæ egregie in Lectura Scholastica, publicisque functionibus literariis se se exercuerit, & laudabiliter etiam in Prioratu Claustrali sexennium compleverit, opterque nunc sacris Concionibus, aliisque literarum exercitiis mentis ad nostræ Congregationis decus, animarumque lucrum liberius incumbere, licet in gradu Priorali progrediens posset, & ipse jure merito Abbatia regiminis insigniri, nihilominus quia actuale exercitium Prioratus à literariis usibus ipsum vel prohibet, vel retardat; Idcirco ipsemet sponte à Prioratu prætenso sese abdicavit. Nos autem ne & meritum, & virtus sine suo præmio prætereant, bonumque ejus desiderium, & optimæ partes ab eo electæ honoribus ipsi debitè nullatenus officiant, eundem dict. Philippum ab Urbe creamus in Abbatem Cassinens., ad Titulum Sanctissimæ Trinitatis Cæjetæ cum privilegiis, præminentibus, exemptionibus, recognitionibus, cæterisque omnibus, & singulis om-

Tenor Decreti Capituli Generalis, quo d. Philippus fuit creatus Abbas ad titulum SS. Trinitatis Cæjetæ.

nino, quibus Prælati nostri Titulares fruuntur qui sponte à regimine Abbatiali se abdicaverunt. Statuimus immediate post Abbates regiminis locum, & primam Sedem secundi Chori, & quod Abbati Monasterii non genuflectat, famulum sibi beneficium, ipsius tantum servitio deputandum concedimus, atque pro suo annuali vestiario scuta triginta assignamus, nihil denique excepto prerogativarum Abbatialis dignitatis, ac si hic de verbo ad verbum singula essent excepta. Non obstantibus quibuscumque in contrarium etiam; utque hoc decretum nostrum suum omnino, & semper fortiatum effectum, atque nemo unquam contraire præsumat volumus quod petatur à Sanctissimo Domino Nostro confirmatio omnium prædictorum. Datum in Monasterio S. Justinae Patavii in nostris Comitibus Generalibus die 11. Maji Anni 1673.

§. 3. Cumque inter Abbatem S. Pauli ex una, & ipsum Patrem Abbatem Tanum altera ex partibus, ob non satis claram Constitutionis dispositionem exortæ sint nonnullæ controversiæ, & lites circa usum privilegiorum in superscripto Decreto expressorum: idcirco ad tollendas omnes dissensiones, & regularem observantiam magis, magisque firmandam, Procurator Generalis ejusdem Congregationis suppliciter petiit à Sanctissimo Domino Nostro, ut prædictas controversias prout magis in Domino expedire censeret, definire dignaretur, cujus precibus Sanctitas sua benigne annuens, particularem Congregationem nonnullorum Eminentissimorum, & Reverendissimorum DD. S. R. E. Cardinalium, & aliorum Romanæ Curia Prælatorum deputavit, in qua proposita fuerunt infra scripta octo puncta per ipsum Patrem Abbatem Tanum exhibita videlicet.

I. Exemptio, & prerogativa Abbatum Titularium, qui fuerunt regiminis, est, ut non se personaliter præsentent, nec ullatenus petant licentiam ab Abbate Monasterii, vel per se, vel per eorum famulum dum exeunt, vel redeunt ad eorum Monasterium.

II. Habent à Monasterio eorum professionis vestiario annuale duplum eo, quod datur cæteris Monachis: Oratori autem, ipso annuente, fuerunt assignata in Decreto pro annuali ejus vestiario scuta triginta.

III. Habent primam sedem secundi Chori, locum immediate post Abbates regiminis.

IV. Habent singuli suum famulum eorum arbitrio eligendum, & nulli alii exercitio deputandum, cui Monasterium professionis assignat alimenta & salarium conveniens.

V. Habent in Choro duo, vel tria pulvinaria sicuti Abbates regiminis.

VI. In privatis, & publicis functionibus Ecclesiasticis, aliisque possunt exercere, & incedere eo habitu, & modo quo possunt in Congregatione Cassinen. Abbates regiminis.

VII. Habent convenientem habitationem cum igne in hyeme, aliasque religiosas commoditates.

VIII. Adeunt refectorium, & Chorum non ita stricte sicut cæteri Monachi, sed pro eorum beneplacito, & devotione. Die 3. Decembris 1674.

Eadem Congregatio specialiter ut supra deputata, partibus auditis, reque mature discussa infrascriptum in modum respondit, nempe.

Ad primum P. Abbatem teneri se personaliter præsentare tam in ingressu, quam post regressum, nec posse sine licentia egredi.

Ad secundum, servandum Decretum Congregationis Cassinen. ad favorem dicti Abbatis Tani editum, & à Sanctissimo Domino Nostro confirmatum.

Ad Tertium, servandum Idem Decretum salva antianitatis prerogativa inter æqualiter privilegiatos.

Ad Quartum, faciendum verbum cum Sanctissimo, à quo fuit remissum ad Congregationem Oeconomicam.

Ad Quintam, non competere prædicto Abbati Tano jus petendi pulvinaria.

Ad Sextam, Negative.

Ad Septimum, servandum solitum.

Ad Octavum, Teneri ad formam regulæ, & Constitutionum, sicut cæteri Monachi; Et die 5. ejusdem Mensis, & Anni facta de præmissis relatione Sanctissimo Domino Nostro, Sanctitas sua Congregationis sententiam benigne approbavit, illamque executioni demandari iussit. Non obstantibus &c. - Fr. Cardinalis Brancatius - Loco ✱ Sigilli - A Archiepiscopus Episcopus Licien. Secretarius.

§. 4. Cum autem sicut eadem expositio subijungebat resolutiones præfatæ juxta dispositionem Juris communis, ac regulæ S. Benedicti, necnon Constitutionum dictæ Congregationis Cassinen. & Decretorum Apostolicorum, quæ omnes Abbates Titulares ejusdem Congregationis comprehendunt, factæ fuerint, dicti vero exponentes illa quo firmiter subsistant, & serventur exactius, Apostolica confirmationis nostræ patrocinio communiri, & alias opportune in præmissis à nobis provideri, & ut infra indulgeri plurimum desiderent:

§. 5. Nos ad ea, quæ observandæ Monasticae disciplinae, ac commodis, & utilitatibus Monasteriorum conducibilia sunt, ex commisso Nobis cælitus pastoralis officii debito propensis studiis intendentes, dictorumque exponentium votis quantum cum Domino possumus favorabiliter annuere volentes, ac eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pænis à jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnes & singulas resolutiones in Decreto præinserto expressas, & à memorata particulari Congregatione emanatas, ut producit, auctoritate Apostolica tenore præsentium approbamus, & confirmamus, illisque inviolabilis Apostolica firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 6. Præterea easdem resolutiones ab omnibus, & singulis Abbatibus Titularibus dictæ Congregationis Cassinen. etiam cum Clausula, perinde ac si fuissent Abbates de regimine absque ulla profus differentia, creatis, seu promotis, inviolabiliter observari debere auctoritate, & tenore prædictis decernimus, & declaramus.

§. 7. Decernentes pariter easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari: sique in præmissis per quoscumque Judices Ordinarios, & delegatos etiam causarum Palatii Apostolici Auditores judicari, & definiri debere; ac irritum, & inane si secus super his à quocumque quavis auctoritate scienter, vel ignoranter contigerit attentari.

§. 8. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dictæ Congregationis Cassinen. aliisve quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirma-

Lites exortæ inter dictum P. Abbatem Tanum, & Abbatem S. Pauli circa usum privilegiorum in d. Decreto expressorum.

Preces Procuratoris Generalis d. Congreg. Cassin.

Remissio hujus Causæ ad Congr. particularem, ut supra.

In ea d. P. Abbas Tanus exhibet octo puncta, prout in rubrica.

Resolutiones super eis capite per dictam Congregationem particulariter.

Pontifex dict. Congregationis sententiam benigne probavit.

Preces exponentium.

Absolutio à Censuris.

Pontifex omnes & singulas resolutiones, ut supra expressas dictæ Congregationis auctoritate Apostolica confirmat. Supplet omnes defectus.

Insuper mandat eas ab omnibus Abbatibus titularibus &c. observari.

Decretum irritans.

Derogat contrariis.

tis, & innovatis. Quibus omnibus, & singulis illorum tenores pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Transumptorum fides.

§. 9. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra illud adhibeatur, quæ adhiberetur præsentibus si forent exhibitæ, vel ostensæ.

Dat. 14. Jan. 1675. An. 5.

Datum Romæ apud S. Mariam Majorem sub Annulo Piscatoris, die 14. Januarii 1675. Pontificatus nostri Anno Quinto.

I. G. Slusius.

*Registrata in Secr. in lib. Brevium mensis Januarii. par. utraque fol. 143.*

LXXV.

Beatificatio Servi Dei Joannis de Cruce primi Carmelitæ Excalceati Professoris.

Edit. An. D. 1675.

CLEMENS PAPA X.

*Ad perpetuam rei memoriam.*

Exordium.

Spiritus Domini, qui triumphantem in Cælis Ecclesiam ex suis Lapillis secundum ineffabiles Sapientiæ, bonitatisque suæ divitias edificare non cessat, præcipuorum quorundam fervorum, atque electorum suorum, quos à constitutione Mundi in opus suum prædestinatos, multiformis gratiæ suæ charismatibus instruxit, & exornavit, Sanctitatem interdum signis, atque portentis testatam facit; ut quibus immarcescibilis gloriæ corona in Cælis à justo Judice donata est, debitæ quoque venerationis cultus in terris impendatur.

Laudes S.D. Joannis de Cruce primi Carmelitæ Excalceat.

§. 1. Inter hos cum multipliciter claruerit Servus Dei Joannes de Cruce primus Religionis Fratrum B. Mariæ de Monte Carmelo Excalceatorum nuncupatorum professor, qui Sanctissimæ Virginis Theresæ ejusdem Religionis Institutricis vestigiis studiose insitens, & præclaros retulit de carne in carne triumphos, & non solum fociis suis magisterio, exemploque summa cum laude præbuit, sed etiam Ecclesiam universam spiritualium aromatum, quibus eum Divina benignitas largiter imbuerat, odore perfudit: dignum arbitramur, & congruum, ut Apostolicæ servitutis Nostræ ministerio, quod Nos, meritis licet, & viribus longe impares, gerere voluit Divina dignatio, illius honori ad gloriam Omnipotentis Dei, ad decus Catholicæ Ecclesiæ, fideliumque ædificationem opportune consulatur.

Resolutio Congregationis SS. Rituum.

§. 2. Cum itaque summa maturitate, diligentiaque discussis, atque perpensis per Congregationem Venerabilium Fratrum Nostrorum S. R. E. Cardinalium Sacris Ritibus præpositorum processibus, de Apostolicæ Sedis licentia confectis super vita, sanctitate, & virtutibus, tam Theologicis, quam moralibus in gradu heroico, quibus præfatus Dei Servus Joannes de Cruce multipliciter claruisse, necnon miraculis, quæ ad ejus intercessionem, ac ad manifestandam Mundo illius Sanctitatem, à Deo patrata fuisse assererentur, eadem Congregatio, auditis etiam Consulorum suffragiis coram Nobis constituta unanimiter censuerit, posse quodcumque Nobis videretur ad solemnem ejusdem Servi Dei canonizationem tuto deveniri, interim vero indulgeri, ut in toto Terrarum Orbe Beatus nuncupetur:

Preces.

§. 3. Hinc est, quod Nos piis, atque enixis

Charissimi in Christo Filii Nostri Caroli Hispaniarum Regis Catholici, ac Charissimæ in Christo Filix Nostræ Mariannæ eorundem Hispaniarum Reginæ Catholicæ Viduæ ejus Genitricis, necnon totius Congregationis Hispaniæ Fratrum Excalceatorum Ordinis B. Mariæ de Monte Carmelo supplicationibus Nobis super hoc humiliter porrectis benigne inclinati, de præfatorum Cardinalium consilio, & unanimi assensu, auctoritate Apostolica tenore præsentium indulgemus, ut memoratus Dei Servus Joannes de Cruce in posterum Beati nomine nuncupetur, ejusque Corpus, & reliquiæ venerationi fidelium (non autem in Processionibus circumferenda) exponantur. Imagines quoque radiis, seu splendoribus exornentur, ac de eo quotannis die anniversario felicitis ejus obitus recitetur Officium, & Missa celebretur de Confessore non Pontifice juxta Rubricas Breviarii, & Missalis Romani.

Pontifex indulget, ut d. S.D. Beati nomine nuncupetur, & quid de ejus corpore, & reliquiis.

Indultoria recitationis Officii, & Missæ.

Officium recitari, & Missa celebrari, in quibus locis possit.

In tota Religione recitari possit Officium, & Missa, ut supra celebrari, etiam à Sacerdotibus ad Ecclesias dictæ Religionis accedentibus.

Primo a die dumtaxat à datis præsentium literarum, & in Indiis à die notitiæ solemnium dictæ Beatificationis cum Officio, & Missa sub ritu duplici Majori celebrari possint, prout in rubrica.

Eadem solemnia quando celebrari debeant in Basilica Principis Apostolorum. Derogat contrariis.

Transumptorum fides.

Dat. 24. Jan. 1675. An. 5.

§. 4. Porro recitationem Officii, & Missæ celebrationem hujusmodi fieri concedimus in locis dumtaxat infra scriptis, videlicet, in loco de Hontiveros, ubi dictus Servus Dei natus est, in loco de Ubeda, in quo Spiritum Creatori reddidit, & in Civitate Segobien., ubi Venerabile ejus Corpus requiescit, ab omnibus utriusque sexus Christianis, tam Sæcularibus, quam Regularibus, qui ad horas Canonicas tenentur, ac in tota Religione præfata Carmelitarum Excalceatorum, universonque Ordine supradicto B. Mariæ de Monte Carmelo tam Fratrum, quam Monialium, & quantum ad Missas atinet, etiam à Sacerdotibus ad Ecclesias Religionis, & Ordinis hujusmodi respectively constituentibus.

§. 5. Propterea primo dumtaxat anno à datis hæc Literis, & quoad Indias à die, quo eadem Literæ illuc pervenerint, inchoando in Ecclesiis Locorum, ac Civitatis, Religionis, & Ordinis præfatorum respectively solemnia Beatificationis ejusdem Servi Dei cum Officio, & Missa sub ritu duplici majori die ab Ordinariis respectively constituta, & intra sex menses promulganda, postquam tamen in Basilica Principis Apostolorum de Urbe celebrata fuerint eadem solemnia, quam ad rem diem 21. Aprilis proxime futuri assignamus, pariter celebrandi facimus potestatem.

§. 6. Non obstantibus Constitutionibus, & Ordinationibus Apostolicis, ac Decretis de non cultu editis, cæterisque contrariis quibuscumque.

§. 7. Volumus autem ut earumdem præsentium literarum transumptis, seu exemplis etiam impressis, manu Secretarii prædictæ Congregationis Cardinalium subscriptis, & sigillo Præfati ejusdem Congregationis munitis, eadem prorsus fides ab omnibus, & ubique tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 25. Januarii 1675. Pontificatus nostri Anno Quinto.

I. G. Slusius.

*Registrat. in Secretar. Brevium in lib. 5. diversorum fol. 299.*

Beatificatio Servi Dei Francisci Solani Ordinis Fratrum Minorum S. Francisci de Observantia nuncupatorum Professoris.

LXXVI.

CLEMENS PAPA X.

*Ad perpetuam rei memoriam.*

Edit. An. D. 1675.

Quemadmodum Cælestis Imperator, & Magister Noster Jesus Christus, qui sedet ad dexteram

Exordium.